



Mimi Karlsen
Inatsisartunut ilaasortaq, Inuit Ataqatigiit

Ilinniartitaaneq ataqatigiisoo eqaatsorlu pillugu misissueqqissaarneq ineriartortitsinerlu pillugu § 37 naapertorlugu apeqqummut nr. 245-mut akissuteqaat

24-07-2019
Sagsnr.
Dok. nr. 10941081

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Mimi Karlsen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Naalakkersuisut massakkt “Ilinniartitaaneq ataqatigiisoo eqaatsorlu”-mik taallugu atuartut meeqqat atuariannit ilinniarfiusunut allanut ingerlaqqittarnissamik pinngitsaaliisalerniarlutik, uniinnarniaraannilu qinnuteqaqqaarluni uniinnarsinnaanngornermik, imalimmik suliaqarpa?

Akissut: Naalakkersuisut 2018-imi misissueqqissaarnermik ineriartortitsinermillu suliniut “Ilinniartitaaneq ataqatigiisoo eqaatsorlu” aallartippaat. Misissueqqissaarnermi suliap siunertaata ilaa tassaavoq ilinniartitaanermik pilersitsiniarnermi ukiuni 12-ini atuarsimanermik tunngaveqartoq, taamaaliornikkut atuartut tamarmik ilinniarnissaminnut piareersaataasumik inuussutissarsiummilluunniit ilinniarnissamut piareersaataasumik tunngavissaqarnissaat anguniarneqarluni. Atuartoq ukiuni 12-ini atuarnini naammassinagu sioqqutsisumik atuarunnaarusuppat immikkut qinnuteqarluni akuerineqartarnissaa eqqarsaataavoq.

Meeqqat atuariata patajaallisarnissaata saniatigut efterskolertoqartarnissaa paarlaateqatigiillunilu nunanut allanut atuariartortarnissaq sulii periarfissaalluni atorneqarsinnaassapput kiisalu pioreersut 10. klassip kingorna ilinniarnertuunngorniarfimmil inuussutissarsiuutigalugulu ilinniarfinni aallartissinnaanissat saniatigut aamma periarfissaassapput. Efterskolereernerup paarlaateqatigiilluniluunniit nunami allami atuarernerup kingorna 11. aamma 12. klassit nangissinnaanissat periarfissaassapput.

Alla misissorneqartoq tassaavoq inuusuttunut ilinniarfissat allatut ittut pilersinneqarsinnaanersut. Assersuutigalugu 11. aamma 12. klassip ingerlanneranni immikkoortukkuutaartumik ilinniartitsinerit arlallit atorneqarsinnaaneri, taakkulu sulinermik assigiinngitsunik piginnaasanik peqalersitsinnaasussatut takorloorneqarput, ilaatigut ilinniarnertuunngorniarfinit inuussutissarsiuutigalugu ilinniarfinit atuartitsissutaasartunit ilinniartitsissutaasartunillu nalinginnaasunik ilaqartinneqarsinnaallutik.

Isuma tassaavoq ukiuni 12-ini meeqqat atuarfianni atuarsimanissaq, atuartut ataasiakkaat minnerpaamik suliffeqarfinni ilinniarsimangitsut piginnaasaannik peqalersimallutik 12. klassemit anisarnissaat siunertaalluni. Taakku saniatigut anguniagaq tassaavoq amerlanerit inuusuttut ilinniagaannut piareersarlutillu naammassinnittarnissaat. Siunertaq tassaavoq ilinniartitaaneq ataqatigiissoq eqaatsorlu pilersinneqassasoq, taamaasilluni inuusuttut meeqqat atuarfiannit anisut tamarmik ilinniagaqarnissaat inuusuttunilu suliniarfigineqartuni qimataasoqannginnissaa qulakkeerneqassalluni.

Apeqquut 1a: Suliaqarpata suliaq sumut killippa?

Akissut: Suliniummut misissueqqissaarfiusumut ineriartortitsiviusumullu ukiut marluk atorneqartussatut naatsorsuutaasimapput, massakkullu ukiup aappaa avillugu ingerlareersimalluni. Suliap 2019-ip naanerani Naalakkersuisunut ataatsimut siunnersuusiaalluni tunniunneqarnissaa naatsorsuutaavoq.

Taakku saniatigut § 37 naapertorlugu apeqquummi nr. 147/2019-imi apeqquummut 7-imut akissutit innersuunneqarput, tassanilu suliniummi immikkoortukkuutaat sulinermilu ingerlatsinissat pillugit atuarneqarsinnaapput.

Apeqquut 1b: Suliarlu qaqugu Inatsisartut inatsisissaattut Inatsisartunut siunnersuutiginiarneqarpa?

Akissut: Siunnersuut ataatsimoortillugu 2019-ip naajartornerani Naalakkersuisunut tunniunneqareerpat naalakkersuinikkut suliarineqassaaq, tassani nalilersorneqassalluni suliniutit suut sulinermi ingerlateqqinnissaat kissaataanersut. Taassuma kingorna inatsisissatut siunnersuutit allannguutillu pisariaqartutut isigineqartut suliarineqarsinnaalerumaarput. Suliniutit ilaat aallartinnginneranni inatsisinik allannguinermik kinguneqartariaqanngimmata oqaatigineqassaaq, suliniutillu ilaat inatsisinik arlalinnik allannguinermik piumasaqaateqarsinnaallutik, taamaammallu inatsisinik pioreersunik allannguinermik inatsisissatulluunniit siunnersuutininik arlalinnik kinguneqarsinnaallutik. Taamaammat suliniutit ilaat inatsisissanik siunnersuuteqarnernik inatsisaareersunilluunniit allannguisariaqarnernik tunngaveqartariaqartut eqqarsaatigalugit Inatsisartut 2020-imi ukiaanerani 2021-miluunniit upernaakkut ataatsimiinneranni aatsaat suliarineqarsinnaanissaat naatsorsuutigineqarsinnaavoq.

Apeqquut 2: Inuusuttut 16-25 ukiullit ilinniagaqaratillu suliffeqanngitsut pinngitsaalillugit ilinniakkamik aallartitinniarneqarpat?

Akissut: Apeqquut 1-imut akissut innersuussutigineqarpoq.

Inussiarnersumik inuulluaqqusillunga



Ane Lone Bagger